

ए॒न॒श्च॒का॒र॒ यत्पि॒ता । अ॒ग्नि॒र्मा तस्मा॒दे॒न॒सः । यदा॑
पि॒पे॒ष मा॒तरं॑ पि॒तर॑म् । पु॒त्रः प्र॒मु॒दि॒तो ध॒यन् । अ॒हि॒ः-
सि॒तौ पि॒तरौ॑ म॒या तत् । तद॑ग्रे अ॒नृ॒णो भ॑वामि । य-
द॒न्तरि॑क्षं पृथि॒वीमु॒त द्याम् । यन्मा॒तरं॑ पि॒तरं॑ वाजि॒हि॒ः-
सि॒म । अ॒ग्नि॒र्मा तस्मा॒दे॒न॒सः । यदा॑श॒सा नि॒श॒सा यत्प॑-
रा॒श॒सा ॥ ४ ॥

यदे॒न॒श्च॒कृ॒मा नू॒त॒नं॑ यत्पु॒रा॒णम् । अ॒ग्नि॒र्मा तस्मा॒दे॒न॒सः-
सः । अ॒ति॒क्रा॒मामि॑ दु॒रि॒तं यदे॒नः । ज॒हामि॑ रि॒प्र॒म्प॒र॒मे
स॒ध॒स्थे । य॒त्र यन्ति॑ सु॒हृ॒तो नापि॑ दु॒ष्कृ॒तः । तमा॒रो॒हामि॑
सु॒हृ॒ता॒न्नु लो॒कम् । चि॒ते दे॒वा अ॒मृ॒जतै॑ तदे॒नः । चि॒त
ए॒त॒न्म॒नु॒ष्ये॒षु मा॒मृ॒जे । ततो॑ मा॒ यदि॑ किञ्चि॒दान॒शे ।
अ॒ग्नि॒र्मा तस्मा॒दे॒न॒सः ॥ ५ ॥

गा॒र्ह॒प॒त्यः प्र॒मु॒ञ्च॒तु । दु॒रि॒ता या॒नि च॒कृ॒म । क॒रो॒तु
मा॒म॒ने॒न॒सम् । दि॒वि जा॒ता अ॒प्सु जा॒ताः । या जा॒ता
ओ॒ष॒धी॒भ्यः । अ॒थो या अ॒ग्नि॒जा आ॒पः । ता नः॑ शु॒न्य॒तु
शु॒न्य॒नीः । यदा॑पो न॒क्तं॑ दु॒रि॒तं च॒राम॑ । यद्वा दि॒वा
नू॒त॒नं॑ यत्पु॒रा॒णम् । हि॒र॒ण्य॒व॒र्णास्त॑त॒ उत्पु॑नीत नः ॥ ६-
म॒मे व॒रु॒ण त॒त्वा॒यामि॑ । त्व॒न्ना अ॒ग्ने स त्व॒न्ना अ॒ग्ने ।
त्व॒म॒ग्ने अ॒या॒सि ॥ ६ ॥